



ქალაქ ფოთის მუნიციპალიტეტის საკრებულო

განკარგულება № 18/54

2018 წლის 27 აგვისტო

ქალაქი ფოთი

ქალაქ ფოთის მუნიციპალიტეტის მერისთვის, ქალაქ ფოთის მუნიციპალიტეტის საკუთრებაში არსებული, ქალაქ ფოთში, შოთა მეგრელიშვილის სანაპიროზე მდებარე 42.00 კვ.მ. არასასოფლო-სამეურნეო დანიშნულების მიწის ნაკვეთის (მიწის (უძრავი ქონების) საკადასტრო კოდი 04.02.08.984) ელექტრონული აუქციონით სარგებლობის უფლებით იჯარის ფორმით გადაცემასთან დაკავშირებით თანხმობის მიცემის შესახებ

ქალაქ ფოთის მუნიციპალიტეტის საკრებულო აღნიშნავს, რომ საჯარო რეესტრის ამონაწერის შესაბამისად ქალაქ ფოთში, შოთა მეგრელიშვილის სანაპიროზე მდებარე 42.00 კვ.მ. არასასოფლო-სამეურნეო დანიშნულების მიწის ნაკვეთი (მიწის (უძრავი ქონების) საკადასტრო კოდი 04.02.08.984) წარმოადგენს ქალაქ ფოთის მუნიციპალიტეტის საკუთრებას.

ქალაქ ფოთის მუნიციპალიტეტის საკრებულოში წინადადებით შემოვიდა ქალაქ ფოთის მუნიციპალიტეტის მერი, ქალაქ ფოთის მუნიციპალიტეტის საკუთრებაში არსებული, ქალაქ ფოთში, შოთა მეგრელიშვილის სანაპიროზე მდებარე 42.00 კვ.მ. არასასოფლო-სამეურნეო დანიშნულების მიწის ნაკვეთის (მიწის (უძრავი ქონების) საკადასტრო კოდი 04.02.08.984) ელექტრონული აუქციონით სარგებლობის უფლებით იჯარის ფორმით გადაცემასთან დაკავშირებით თანხმობის მისაღებად.

საქართველოს ორგანული კანონის „ადგილობრივი თვითმმართველობის კოდექსის“ 122-ე მუხლის მე-4 პუნქტის თანახმად მუნიციპალიტეტის ქონების სარგებლობის უფლებით გადაცემა ხდება აუქციონის ფორმით ან პირდაპირი განკარგვის წესით. მუნიციპალიტეტის ქონების აუქციონის ფორმით სარგებლობის უფლებით გადაცემის შესახებ გადაწყვეტილებას იღებს მუნიციპალიტეტის აღმასრულებელი ორგანო.

ამასთანავე, „მუნიციპალიტეტის ქონების პრივატიზების, სარგებლობისა და მართვის უფლებებით გადაცემის, საპრივატიზებო საფასურის, საწყისი საპრივატიზებო საფასურის, ქირის საფასურის, ქირის საწყისი საფასურის განსაზღვრის და ანგარიშსწორების წესების დამტკიცების შესახებ“ საქართველოს მთავრობის, 2014 წლის 8 დეკემბრის, №669 დადგენილებით დამტკიცებული წესების 22-ე მუხლის მე-2 პუნქტის თანახმად მუნიციპალიტეტის ქონების სარგებლობის უფლებით გადაცემა ხდება აუქციონის ფორმით ან პირდაპირი განკარგვის წესით. მუნიციპალიტეტის ქონების სარგებლობის უფლებით გადაცემის შესახებ გადაწყვეტილებას იღებს მუნიციპალიტეტის აღმასრულებელი ორგანო, მუნიციპალიტეტის საკრებულოს თანხმობით.

ამდენად, მიზანშეწონილია ქალაქ ფოთის მუნიციპალიტეტის მერისთვის ქალაქ ფოთის მუნიციპალიტეტის საკუთრებაში არსებული, ქალაქ ფოთში, შოთა მეგრელიშვილის სანაპიროზე მდებარე 42.00 კვ.მ. არასასოფლო-სამეურნეო დანიშნულების მიწის ნაკვეთის (მიწის (უძრავი ქონების) საკადასტრო კოდი 04.02.08.984) ელექტრონული აუქციონით სარგებლობის უფლებით იჯარის ფორმით გადაცემასთან დაკავშირებით თანხმობის მიცემა.

აღნიშნულიდან გამომდინარე:

მუხლი 1.

მიეცეს თანხმობა ქალაქ ფოთის მუნიციპალიტეტის მერს, განახორციელოს ქალაქ ფოთის მუნიციპალიტეტის საკუთრებაში არსებული, ქალაქ ფოთში, შოთა მეგრელიშვილის სანაპიროზე მდებარე 42.00 კვ.მ. არასასოფლო-სამეურნეო დანიშნულების მიწის ნაკვეთის (მიწის (უძრავი ქონების) საკადასტრო კოდი 04.02.08.984) ელექტრონული აუქციონით სარგებლობის უფლებით, იჯარის ფორმით გადაცემა.

მუხლი 2.

ძალადაკარგულად გამოცხადდეს „ქალაქ ფოთის მუნიციპალიტეტის მერისთვის ქალაქ ფოთის მუნიციპალიტეტის საკუთრებაში არსებული ქალაქ ფოთში, შოთა მეგრელიშვილის სანაპიროზე მდებარე 42 კვ.მ. არასასოფლო-სამეურნეო დანიშნულების მიწის ნაკვეთის (მიწის (უძრავი ქონების) საკადასტრო კოდი 04.02.08.984) ელექტრონული აუქციონის ფორმით სარგებლობის (იჯარა) უფლებით გადაცემასთან დაკავშირებით თანხმობის მიცემის შესახებ“ ქალაქ ფოთის მუნიციპალიტეტის საკრებულოს, 2015 წლის 17 აპრილის, №10/38 განკარგულება.

მუხლი 3.

საქართველოს ზოგადი ადმინისტრაციული კოდექსის 52-ე მუხლის მე-2 ნაწილის, საქართველოს ადმინისტრაციული საპროცესო კოდექსის 22-ე მუხლის მე-3 ნაწილის, საქართველოს ზოგადი ადმინისტრაციული კოდექსის 178-ე მუხლის შესაბამისად, განკარგულება შეიძლება გასაჩივრდეს დაინტერესებული მხარის მიერ გაცნობიდან ერთი თვის ვადაში, ფოთის საქალაქო სასამართლოში (მისამართი: ქალაქ ფოთის მუნიციპალიტეტი, დავით აღმაშენებლის ქუჩა №3).

მუხლი 4.

განკარგულება ძალაშია 2018 წლის 27 აგვისტოდან.

საკრებულოს თავმჯდომარე



ირაკლი კაკულია



ქალაქ ფოთის მუნიციპალიტეტის საკრებულო

განკარგულება № 18/55

2018 წლის 27 აგვისტო

ქალაქი ფოთი

ქალაქ ფოთის მუნიციპალიტეტის მერისთვის, ქალაქ ფოთის მუნიციპალიტეტის საკუთრებაში არსებული ქალაქ ფოთში, მშვიდობის ქუჩა №16-ში მდებარე უძრავი ქონების (მიწის (უძრავი ქონების) საკადასტრო კოდი 04.02.07.590) სსიპ საგანგებო სიტუაციების კოორდინაციისა და გადაუდებელი დახმარების ცენტრისათვის უსასყიდლო უზუფრუქტის ფორმით, აუქციონის გარეშე სარგებლობაში გადაცემასთან დაკავშირებით თანხმობის მიცემის შესახებ

სსიპ საჯარო რეესტრის ეროვნული სააგენტოს საჯარო რეესტრის ამონაწერის შესაბამისად ქალაქ ფოთში, მშვიდობის ქუჩა №16-ში მდებარე 938.00 კვ.მ. არასასოფლო-სამეურნეო დანიშნულების მიწის ნაკვეთი და მასზე განთავსებული შენობა-ნაგებობა №1 (მიწის (უძრავი ქონების) საკადასტრო კოდი 04.02.07.590) წარმოადგენს ქალაქ ფოთის მუნიციპალიტეტის საკუთრებას.

სსიპ საგანგებო სიტუაციების კოორდინაციისა და გადაუდებელი დახმარების ცენტრის დირექტორი, 2018 წლის 22 ივნისის, №12/1444 წერილით ითხოვს, მუნიციპალიტეტის მოსახლეობისათვის, სასწრაფო სამედიცინო მომსახურების დროული და უწყვეტი მიწოდების უზრუნველსაყოფად, ფოთის რაიონული სამსახურის განსათავსებლად, ქალაქ ფოთში, მშვიდობის ქუჩა №16-ში მდებარე უძრავი ქონების ცენტრისათვის უსასყიდლო სარგებლობის უფლების გადაცემას.

ქალაქ ფოთის მუნიციპალიტეტის საკრებულოში წინადადებით შემოვიდა ქალაქ ფოთის მუნიციპალიტეტის მერი (მერის მოვალეობის შემსრულებელი), ქალაქ ფოთის მუნიციპალიტეტის საკუთრებაში არსებული, ქალაქ ფოთში, მშვიდობის ქუჩა №16-ში მდებარე უძრავი ქონების (მიწის (უძრავი ქონების) საკადასტრო კოდი 04.02.07.590), სსიპ საგანგებო სიტუაციების კოორდინაციისა და გადაუდებელი დახმარების ცენტრისათვის უსასყიდლო უზუფრუქტის ფორმით, აუქციონის გარეშე, სარგებლობაში გადაცემასთან დაკავშირებით, თანხმობის მისაღებად.

საქართველოს ორგანული კანონის „ადგილობრივი თვითმმართველობის კოდექსის“ 122-ე მუხლის მე-6 პუნქტის შესაბამისად, მუნიციპალიტეტის აღმასრულებელი ორგანო უფლებამოსილია მუნიციპალიტეტის ქონება უსასყიდლო აღნაგობის, უსასყიდლო უზუფრუქტისა და თხოვების ფორმებით, აუქციონის გარეშე გადასცეს სახელმწიფოს და ავტონომიური რესპუბლიკების ორგანოებს, სხვა მუნიციპალიტეტს, საჯარო სამართლის იურიდიულ პირს (გარდა პოლიტიკური პარტიისა), მუნიციპალიტეტის/მუნიციპალიტეტების მიერ დაფუძნებულ არასამეწარმეო (არაკომერციულ) იურიდიულ პირს, საწარმოს, რომლის წილის ან აქციათა 50%-ზე მეტს ფლობს/ფლობენ მუნიციპალიტეტი/მუნიციპალიტეტები, ან თავად ამ კერძო სამართლის იურიდიული პირის მიერ დაფუძნებულ კერძო სამართლის იურიდიულ პირს.

ამასთანავე, „მუნიციპალიტეტის ქონების პრივატიზების, სარგებლობისა და მართვის უფლებებით გადაცემის, საპრივატიზებო საფასურის, საწყისი საპრივატიზებო საფასურის, ქირის საფასურის, ქირის საწყისი საფასურის განსაზღვრის და ანგარიშსწორების წესების დამტკიცების შესახებ“ საქართველოს მთავრობის 2014 წლის 8 დეკემბრის №669 დადგენილებით დამტკიცებული წესების 22-ე მუხლის მე-5 პუნქტის შესაბამისად გარდა თბილისის

მუნიციპალიტეტისა, მუნიციპალიტეტის აღმასრულებელი ორგანო, მუნიციპალიტეტის საკრებულოს თანხმობით, მუნიციპალიტეტის ქონებას უსასყიდლო აღნაგობის, უსასყიდლო უზუფრუქტისა და თხოვების ფორმებით, აუქციონის გარეშე, გადასცემს სახელმწიფო და ავტონომიური რესპუბლიკების ორგანოებს, სხვა მუნიციპალიტეტებს, საჯარო სამართლის იურიდიულ პირებს (გარდა პოლიტიკური პარტიებისა), მუნიციპალიტეტის მიერ დაფუძნებულ არასამეწარმეო (არაკომერციულ) იურიდიულ პირებსა და მუნიციპალიტეტის 100%-იანი წილობრივი მონაწილეობით დაფუძნებულ საწარმოებს.

ამდენად, მიზანშეწონილია ქალაქ ფოთის მუნიციპალიტეტის მერისთვის, ქალაქ ფოთის მუნიციპალიტეტის საკუთრებაში არსებული, ქალაქ ფოთში, მშვიდობის ქუჩა №16-ში მდებარე უძრავი ქონების (მიწის (უძრავი ქონების) საკადასტრო კოდი 04.02.07.590), სსიპ საგანგებო სიტუაციების კოორდინაციისა და გადაუდებელი დახმარების ცენტრისათვის უსასყიდლო უზუფრუქტის ფორმით, აუქციონის გარეშე, სარგებლობაში გადაცემასთან დაკავშირებით თანხმობის მიცემა, უძრავ ქონებაში ფოთის რაიონული სამსახურის განთავსების მიზნით.

აღნიშნულიდან გამომდინარე:

მუხლი 1.

მიეცეს თანხმობა ქალაქ ფოთის მუნიციპალიტეტის მერს, ქალაქ ფოთის მუნიციპალიტეტის საკუთრებაში არსებული ქალაქ ფოთში, მშვიდობის ქუჩა №16-ში მდებარე 938.00 კვ.მ. არასასოფლო-სამეურნეო დანიშნულების მიწის ნაკვეთი და მასზე განთავსებული შენობა-ნაგებობა №1 (მიწის (უძრავი ქონების) საკადასტრო კოდი 04.02.07.590), უსასყიდლო უზუფრუქტის ფორმით, აუქციონის გარეშე, სარგებლობაში გადასცეს სსიპ საგანგებო სიტუაციების კოორდინაციისა და გადაუდებელი დახმარების ცენტრს.

მუხლი 2.

საქართველოს ზოგადი ადმინისტრაციული კოდექსის 52-ე მუხლის მე-2 ნაწილის, საქართველოს ადმინისტრაციული საპროცესო კოდექსის 22-ე მუხლის მე-3 ნაწილის, საქართველოს ზოგადი ადმინისტრაციული კოდექსის 178-ე მუხლის შესაბამისად, განკარგულება შეიძლება გასაჩივრდეს დაინტერესებული მხარის მიერ გაცნობიდან ერთი თვის ვადაში, ფოთის საქალაქო სასამართლოში (მისამართი: ქალაქ ფოთის მუნიციპალიტეტი, დავით აღმაშენებლის ქუჩა №3).

მუხლი 3.

განკარგულება ძალაშია 2018 წლის 27 აგვისტოდან.

საკრებულოს თავმჯდომარე



ირაკლი კაკულია



ქალაქ ფოთის მუნიციპალიტეტის საკრებულო

დადგენილება № 18/33

2018 წლის 27 აგვისტო

ქალაქი ფოთი

ქალაქ ფოთის მუნიციპალიტეტის - ნიკო ნიკოლაძის სახელობის საპატიო ჯილდოს შემოღებისა და მინიჭების წესის დამტკიცების შესახებ

საქართველოს ორგანული კანონის „ადგილობრივი თვითმმართველობის კოდექსი“ 24-ე მუხლის პირველი პუნქტის „ა.დ.“ ქვეპუნქტისა და „ნორმატიული აქტების შესახებ“ საქართველოს კანონის მე-20 მუხლის შესაბამისად, ქალაქ ფოთის მუნიციპალიტეტის

საკრებულო ადგენს:

მუხლი 1.

შემოღებულ იქნას ქალაქ ფოთის მუნიციპალიტეტის - ნიკო ნიკოლაძის სახელობის საპატიო ჯილდო.

მუხლი 2.

დამტკიცდეს თანდართული ქალაქ ფოთის მუნიციპალიტეტის - ნიკო ნიკოლაძის სახელობის საპატიო ჯილდოს მინიჭების წესი.

მუხლი 3.

დადგენილება ამოქმედდეს გამოქვეყნებისთანავე.

საკრებულოს თავმჯდომარე



ირაკლი კაკულია

**ქალაქ ფოთის მუნიციპალიტეტის - ნიკო ნიკოლაძის სახელობის
საპატიო ჯილდოს მინიჭების წესი**

მუხლი 1. ზოგადი დებულებები

1. ეს წესი შემუშავებულია საქართველოს ორგანული კანონის „ადგილობრივი თვითმმართველობის კოდექსი“ 24-ე მუხლის პირველი პუნქტი „ა.დ“ ქვეპუნქტის შესაბამისად და განსაზღვრავს ქალაქ ფოთის მუნიციპალიტეტის - ნიკო ნიკოლაძის სახელობის საპატიო ჯილდოს (შემდგომში-საპატიო ჯილდო) მინიჭების საფუძვლებს და განხილვის წესს.
2. საპატიო ჯილდო შესაძლებელია მიენიჭოს საქართველოს მოქალაქეს, უცხო ქვეყნის მოქალაქეს და ასევე, განსაკუთრებულ შემთხვევაში მოქალაქეობის არმქონე პირს, რომელსაც საკუთარი საზოგადოებრივი, პროფესიონალური, სპორტული ან/და სხვა საქმიანობით/მოღვაწეობით:
 - ა) განსაკუთრებული დამსახურება აქვს ქალაქ ფოთის მუნიციპალიტეტის ან/და საქართველოს წინაშე;
 - ბ) მნიშვნელოვანი წვლილი შეიტანა ქალაქ ფოთის მუნიციპალიტეტის განვითარების საქმეში;
 - გ) მხარი დაუჭირა და განახორციელა საზოგადოებრივი მნიშვნელობის ინფრასტრუქტურული/სამშენებლო, სოციალური და სხვა პროგრამები;
 - დ) პროფესიონალური, სპორტული წარმატებით სახელი გაუთქვა ქვეყანას და ქალაქ ფოთის მუნიციპალიტეტს;
 - ე) მნიშვნელოვანი წვლილი შეიტანა მოსახლეობის განათლებასა და სულიერ განვითარებაში.

მუხლი 2. საპატიო ჯილდო

1. საპატიო ჯილდო გაიცემა ფულადი ჯილდოს (არაუმეტეს 500 ლარი), სიგელის, თემატური სუვენირის, თემატური წიგნის, კულტურული ნამუშევრის ან სხვა ფასიანი საჩუქრის სახით.
2. საპატიო ჯილდო პირს მიენიჭება სიცოცხლეში ერთხელ. შესაძლებელია განსაკუთრებული დამსახურებისთვის საპატიო ჯილდოს მინიჭება განხორციელდეს გარდაცვალების შემდგომ.

მუხლი 3. საპატიო ჯილდოს მინიჭების პროცედურა

1. საპატიო ჯილდოს მინიჭებაზე კანდიდატის წამოყენების უფლება აქვს:
 - ა) ქალაქ ფოთის მუნიციპალიტეტის მერს;
 - ბ) ქალაქ ფოთის მუნიციპალიტეტის საკრებულოს თავმჯდომარეს;
 - გ) ქალაქ ფოთის მუნიციპალიტეტის საკრებულოს ცალკეულ წევრებს ან ფრაქციას;
 - დ) ქალაქ ფოთის მუნიციპალიტეტში რეგისტრირებულ საზოგადოებრივ და შემოქმედებით კავშირებს;
 - ე) ქალაქ ფოთის მუნიციპალიტეტის სამოქალაქო მრჩეველთა საბჭოს 1/2.
2. საპატიო ჯილდოს მინიჭებაზე წარდგენილი საინიციატივო მიმართვა უნდა მოიცავდეს წერილობით დასაბუთებას, მასში ჩამოყალიბებული უნდა იყოს წამოყენებული კანდიდატის პიროვნული თვისებები და საპატიო ჯილდოზე წარდგენის საფუძვლები. მიმართვა დადასტურებული უნდა იყოს შესაბამისი ხელმოწერ(ებ)ით.
3. საპატიო ჯილდოზე კანდიდატის წარდგენის ინიციატივას შესაძლებელია აგრეთვე დაერთოს:
 - ა) პიროვნების ბიოგრაფიული მონაცემები;
 - ბ) კომპეტენტური ორგანიზაციების, დამსახურებული მოღვაწეების რეკომენდაცია;
 - გ) კანდიდატის ღვაწლის/დამსახურების ამსახველი მასალა;
 - დ) კანდიდატის პირადობის დამადასტურებელი დოკუმენტის ასლი, ფოტოსურათი (3X4) და წერილობითი თანხმობა.

4.შემოსული ინიციატივების განხილვას აწარმოებს ქალაქ ფოთის მუნიციპალიტეტის მერის ბრძანებით შექმნილი სამუშაო ჯგუფი. სამუშაო ჯგუფის შემადგენლობაში შესაძლებელია იყვნენ მერიის სტრუქტურული ერთეულის ხელმძღვანელები, სხვა საჯარო მოხელეები, სამოქალაქო მრჩეველთა საბჭოს წევრები, საზოგადო მოღვაწეები, სხვა პირები, აგრეთვე სამუშაო ჯგუფის შემადგენლობაში მოწვეულ უნდა იყვნენ საკრებულოს წევრები.

5.სამუშაო ჯგუფის მიერ საკითხის განხილვის დეტალები და გადაწყვეტილების მიღების საფუძვლები აისახება ოქმში, რომელსაც ადგენს მერის ბრძანებით განსაზღვრული პირი. ოქმს ხელს აწერს ყველა დამსწრე წევრი. გადაწყვეტილება მიიღება ხმათა უბრალო უმრავლესობით. განსხვავებული აზრი დაერთვის ოქმს წერილობითი სახით, ხმების თანაბრად გაყოფის შემთხვევაში გამამწვევტი ხმის უფლება აქვს სამუშაო ჯგუფის ხელმძღვანელს.

6.ინიციატივების განხილვის, წარმოდგენილი არგუმენტების შეჯერების და შეფასების საფუძველზე, სამუშაო ჯგუფის მიერ გადაწყვეტილების მიღების შემდგომ, საპატიო ჯილდოს ანიჭებს ქალაქ ფოთის მუნიციპალიტეტის მერი, რის შესახებაც გამოსცემს ბრძანებას.

7.ქალაქ ფოთის მუნიციპალიტეტის მერი საპატიო ჯილდოს ანიჭებს საზეიმო ვითარებაში ან მის გარეშე.

8.საპატიო ჯილდოს მინიჭების შესახებ ჩანაწერი კეთდება სპეციალურ წიგნში, რომლის წარმოებას და შენახვას უზრუნველყოფს ქალაქ ფოთის მუნიციპალიტეტის მერია.

მუხლი 4. საპატიო ჯილდოს ჩამორთმევა

1.პირს შესაძლებელია ჩამოერთვას საპატიო ჯილდო შემდეგ შემთხვევებში, თუ:

ა)პირმა ჩაიდინა საქართველოს სისხლის სამართლის კოდექსით გათვალისწინებული განზრახ დანაშაული;

ბ)განახორციელა საქართველოს სახელმწიფოს ან/და ქალაქ ფოთის მუნიციპალიტეტის ინტერესების საწინააღმდეგო ქმედება;

გ)ჩაიდინა ისეთი საქციელი, რამაც გამოიწვია სხვისი ღირსებისა და პატივის მნიშვნელოვანი ხელყოფა;

დ) პიროვნებას სურვილი აქვს საკუთარი ნებით უარი თქვას საპატიო ჯილდოზე, ასეთ შემთხვევაში წერილობითი განაცხადი წარედგინება ქალაქ ფოთის მუნიციპალიტეტის მერს.

2.საპატიო ჯილდოს ჩამორთმევა ხორციელდება სამუშაო ჯგუფის მიერ საკითხის განხილვის შემდგომ, ქალაქ ფოთის მუნიციპალიტეტის მერის ბრძანებით.

საკრებულოს თავმჯდომარე



ირაკლი კაკულია



ქალაქ ფოთის მუნიციპალიტეტის საკრებულო

განკარგულება № 18/56

2018 წლის 27 აგვისტო

ქალაქი ფოთი

ქალაქ ფოთის მუნიციპალიტეტის საკრებულოს სხდომათა დარბაზისთვის ნიკო ნიკოლაძის სახელის მინიჭების შესახებ

ქალაქ ფოთის მუნიციპალიტეტის საკრებულო აღნიშნავს, რომ მუნიციპალიტეტის მერი შემოვიდა წინადადებით და ითხოვა საკრებულოს სხდომათა დარბაზისთვის (მისამართი: ქალაქ ფოთის მუნიციპალიტეტი დავით აღმაშენებლის ქუჩა №12) ცნობილი ქართველი პოლიტიკური და საზოგადო მოღვაწის ნიკო ნიკოლაძის სახელის მინიჭება.

ნიკო ნიკოლაძემ ქალაქის თავად მოღვაწეობის პერიოდში მნიშვნელოვანი როლი შეასრულა ქალაქ ფოთის ინფრასტრუქტურულ, კულტურულ-ეკონომიურ განვითარებაში.

საქართველოს ორგანული კანონის „ადგილობრივი თვითმმართველობის კოდექსის“ 24-ე მუხლის მე-3 პუნქტის შესაბამისად, თუ ეს კანონი ან საქართველოს კანონმდებლობა არ განსაზღვრავს მუნიციპალიტეტის საკუთარი ან დელეგირებული უფლებამოსილების განხორციელებისთვის პასუხისმგებელ მუნიციპალიტეტის ორგანოს, აღნიშნულ უფლებამოსილებას ახორციელებს მუნიციპალიტეტის საკრებულო.

ზემოხსენებულიდან გამომდინარე, მიზანშეწონილია ქალაქ ფოთის მუნიციპალიტეტის საკრებულოს სხდომათა დარბაზს ეწოდოს ნიკო ნიკოლაძის სახელობის დარბაზი.

აღნიშნულიდან გამომდინარე:

მუხლი 1.

ქალაქ ფოთის მუნიციპალიტეტის საკრებულოს სხდომათა დარბაზს (მისამართი: ქალაქ ფოთის მუნიციპალიტეტი, დავით აღმაშენებლის ქუჩა №12) ეწოდოს ნიკო ნიკოლაძის სახელობის დარბაზი.

მუხლი 2.

აღნიშნული განკარგულების შესრულებასთან დაკავშირებით, ქალაქ ფოთის მუნიციპალიტეტის მერმა (გოჩა კურდღელია) გაატაროს შესაბამისი ღონისძიებები.

მუხლი 3.

საქართველოს ზოგადი ადმინისტრაციული კოდექსის 52-ე მუხლის მე-2 ნაწილის, საქართველოს ადმინისტრაციული საპროცესო კოდექსის 22-ე მუხლის მე-3 ნაწილის, საქართველოს ზოგადი ადმინისტრაციული კოდექსის 178-ე მუხლის შესაბამისად, განკარგულება შეიძლება გასაჩივრდეს დაინტერესებული მხარის მიერ გაცნობიდან ერთი თვის ვადაში, ფოთის საქალაქო სასამართლოში (მისამართი: ქალაქ ფოთის მუნიციპალიტეტი, დავით აღმაშენებლის ქუჩა №3).

მუხლი 4.

განკარგულება ძალაშია 2018 წლის 27 აგვისტოდან.

საკრებულოს თავმჯდომარე



ირაკლი კაკულია



ქალაქ ფოთის მუნიციპალიტეტის საკრებულო

განკარგულება № 18/58

2018 წლის 27 აგვისტო

ქალაქი ფოთი

ქალაქ ფოთის მუნიციპალიტეტის საკრებულოს წევრის ოთარ ხარჩილავას პირადი განცხადების საფუძველზე უფლებამოსილების შეწყვეტის საკითხის ცნობად მიღების შესახებ

საქართველოს ორგანული კანონის „ადგილობრივი თვითმმართველობის კოდექსის“ 43-ე მუხლის პირველი პუნქტის „ა“ ქვეპუნქტის შესაბამისად, მუნიციპალიტეტის საკრებულოს წევრს უფლებამოსილება ვადამდე უწყდება პირადი განცხადების საფუძველზე, ხოლო ამავე მუხლის მე-4 პუნქტის შესაბამისად, მუნიციპალიტეტის საკრებულოს წევრი უფლებამოსილების პირადი განცხადებით მოხსნის შესახებ წერილობით აცნობებს მუნიციპალიტეტის საკრებულოს თავმჯდომარეს. საკრებულოს წევრის უფლებამოსილების შეწყვეტის მომენტად ითვლება შესაბამისი განცხადების რეგისტრაციის მომდევნო დღე.

ქალაქ ფოთის მუნიციპალიტეტის საკრებულოს წევრმა ოთარ ხარჩილავამ 2018 წლის 24 აგვისტოს განცხადებით (განცხადების საკრებულოში რეგისტრაციის თარიღი: 24.08.2018 წელი) მიმართა საკრებულოს თავმჯდომარეს და ითხოვა საკრებულოს წევრის უფლებამოსილების შეწყვეტა. ამდენად, საკრებულოს წევრს ოთარ ხარჩილავას უფლებამოსილება შეუწყდა 2018 წლის 25 აგვისტოდან.

„ქალაქ ფოთის მუნიციპალიტეტის საკრებულოს რეგლამენტის დამტკიცების შესახებ“ ქალაქ ფოთის მუნიციპალიტეტის საკრებულოს 2014 წლის 24 დეკემბრის №21/56 დადგენილებით დამტკიცებული რეგლამენტის მე-13 მუხლის მე-4 პუნქტის „ა“ ქვეპუნქტის, მე-6 პუნქტის შესაბამისად, საკრებულოს წევრის უფლებამოსილების პირადი განცხადების საფუძველზე ვადამდე შეწყვეტის შესახებ გადაწყვეტილებას, საკრებულო იღებს ცნობის სახით კენჭისყრის გარეშე.

აღნიშნულიდან გამომდინარე:

მუხლი 1.

ცნობად იქნას მიღებული საკითხი, 2018 წლის 25 აგვისტოდან ქალაქ ფოთის მუნიციპალიტეტის საკრებულოს წევრის ოთარ ხარჩილავას პირადი განცხადების საფუძველზე უფლებამოსილების შეწყვეტის შესახებ.

მუხლი 2.

საქართველოს ზოგადი ადმინისტრაციული კოდექსის 52-ე მუხლის მე-2 ნაწილის, საქართველოს ადმინისტრაციული საპროცესო კოდექსის 22-ე მუხლის მე-3 ნაწილის, საქართველოს ზოგადი ადმინისტრაციული კოდექსის 178-ე მუხლის შესაბამისად, აღნიშნული განკარგულება შეიძლება გასაჩივრდეს დაინტერესებული მხარის მიერ გაცნობიდან ერთი თვის ვადაში, ფოთის საქალაქო სასამართლოში (მისამართი: ქალაქ ფოთის მუნიციპალიტეტი, დავით აღმაშენებლის ქუჩა №3).

მუხლი 3.

განკარგულება ძალაშია 2018 წლის 27 აგვისტოდან.

საკრებულოს თავმჯდომარე



ირაკლი კაკულია